



CONTINUACION

OBERIOU GAER NAPOLEON,

*A guichen bataill vras Eylan, an 8 a c'huëver
1807, bete ar peoc'h sinet er gær a Dilsit,
entre andaou Impalaër a Franç hac a Russi hac
ar roue Pruss, an 9 a vis guere, memes blaves.*

Dre F. GUENVEUR. *K*

Var ton : Frès des bois, des prés, des rivières.

QEMER a ran pluen adare
Gant plijadur ha joüsted,
Da scriva vaillantis honorme,
An triomphussa eus ar bed.
Gant memes plijadur e velfet
E c'hoas confondet aheurtanç
Ar roue Pruss, ar russianet,
Dre'n impalaër bras a Franç.
D'e soudarded e roas repos
Goude'r vataill griz a Eylan.

Neuze Napoléon a brepos
 D'ar Russ en em glêvet gantan
 Alexand, ha darn é vignonet,
 A seblant selaou gant joa vras;
 Hoguen ar sauz cruel, binimet,
 A voad ne voa qet mêved c'hoas.
 Pa velas ne alle cunclui,
 Da lacât talvoud an amzer,
 Hon impalaër a rês cerni
 D'ar roue Pruss ar grenva kêr:
 Ar gêr-gaër-ma so hanvet Dantzick,
 D'ar rouantelez-se grignol;
 Plaç caër-bras qercouls a pinvidic,
 Ha dre-se brudet dre'r bed oll.

Ar gêr-ma e devoa goarnison
 D'ouspen trivac'h-mil den armet;
 Var e ramparziou tri-c'hant canon;
 A vuraillou crén voa cernet.
 Dre ze, an ini e c'hommande,
 A rês e zever de difen;
 Mæs inutilamant an dra-ze,
 Plega renqas d'ar francisien.

E tro pad ouspen daou vis amzer,
 Gant eur vigour eur ar ferma,
 Ar gêr a Zantzick a vombarder,
 Defot ne deu d'en em renta.
 Lancet voe enni dec-mil bombes
 Hac ouspen trêgont-mil boulet;
 Flastret voe an anter e zyez,
 Ha cals a berc'hennou friqet.

Ar c'hoec'h-varpugent eus a vis mañ;



Er blavez seiz ha trivac'h-cant,
 E c'hantreas enni hon arme
 Gant e banielou triomhlant.
 Acordi rês d'an inimiet
 Conge da retorn en ho bro,
 Gant condicion no' zoucchent qet
 Epad eur blavez an armo.

Eur gær eus pinvidica'r bed-mâ
 A renq cedi d'hon harozet
 Cals bevans da zibri, da eva,
 A guevont enni dastumet.
 Ouspen c'hoec'h-cant-mil qintal guinis
 A voa en e magazinou,
 Avoalc'h evit sustanti c'hoec'h mis
 An darnvuyan eus hon trouplou.

Epad qement-ma voe cunctuet
 Furmi assamble general,
 Da zisputi droajou'n oll brinctet;
 Hervez an usach ordinal.
 Napoléon a voa disposet
 Da gommanç dre gomsou peoc'hus,
 Pa'n em vel a nevez ataquet
 Dre arme'n impalaër Russ.

Ar goad a vo adare scuillet,
 Mæs ne vo qet dre fot ar Franç;
 E chef bras en devoa discuelet
 Dezir ardant de gouservanç.
 Den ebet ne alse suposi,
 E clasqe c'hoas cresqi e c'hloar,
 Rac goud a ouzer n'en eus ini
 Qet pourveest var an douar.

Dre'r gloar ma vije c'hoas gouarnet
 Goude rentidiguez Dantzick,
 Ar c'hampagn en dije digoret
 Dre flastra'r roue Frederic;
 En esperanç e teuje var-vañ
 An dretadures commancet,
 Ne sonje en nep sort er gombad,
 Er moment ma voe defiet.

Var dranqilite Napoléon
 Ez int bet c'hoas en em dromplet;
 E repos so ini al leon,
 O devo queuz beza troublet.
 Ho follentez, princet aheurtet,
 A gousto glac'har en ho pro;
 Querent, mignonet ho soudardet
 A rebecho dêc'h ho maro.

Ar bempvet demeus a vis even
 E veñot ar gommançamant,
 Dre'r gombat livret tost Lomitten,
 A ziroud arme Alexand.
 A dal an deiz-se d'an daouzecvet,
 En Gustad, Heisberg ha Spanden,
 Hon adversourien o deus collet,
 Plaçou crén ha trégont-mil den.

A gær Heisberg int en em dennet
 Buannoc'h evit na voant deut;
 Ocu ober eun dilezel forcet
 D'ouspen pevar-mil gntal bleud.
 Magazinou hat hospitaillou,
 Partout a recjont dilezel,
 Evit tec'hel arog hon trouplou,

Pa no devoa c'hoant da vervel.

Ar gombajou diveza hanvet,
 Bras m'ezint bet a so bian,
 Evel ma c'hêr ama d'er guelet,
 En geveer bataill Friedlan.

Ar bevarzec, qerqent hac an de;
 E tennas ar russ e ganon;
 Mæs james ne guever dibourve
 Compagnunet Napoleon.

An Haros a lavar de drouplo :

„ An deiz-ma vo ive evrus.

„ Ar memes deiz bataill Maringo

„ A rentas ho cloar hir-badus. „

Ar victor, fidel d'e mignonet,

Ne voe qet eun instant doüetus,

An tol marvus dreizi so roed

D'arme an impalaër Russ.

Spontus voa guelet plaç ar gombat,

Ouspen c'hoezec-mil den lazet

A voa enni trempet en ho goad

Eus arme hon enmietet.

D'hon ini e voe lazet pemp cant;

Ha pevar-mil a voe blesset;

Coll bras, sioas! gouscoude neant

Eus eguile comparachet.

Pemp-varnuguent a generalet

A rencas divoer Alexand.

Hon impalaër en eus collet

Unan demeure e re vaillant.

An enemi a voe poursuet

Bete cunec-heur eus an nos,

Dre'n henchou, var e lerc'h voe cavet
Cals a ganoliou antronos.

E Kenisberg, var rivier Prejel,
D'ar roue Pruss kær gapital,
E c'hantreas goude ne voe pel
An autrou Squit ar marichal.
An daou roue a voa dilojet
Eus ar gær-mâ dre brim turnes.
Ah! m'o devije bet gortoet,
E vijent paqet assambles.

Er gær drificus-mâ so cavet
Pêvar-c'hant lest, a vadou leun;
Uguent-mil soudard a re vlesset,
Magazinou carguet a c'hreun,
Municionou a bep façon,
Ha daou-c'hant-mil fusuill nevez,
Digasset enni gant ar sauzon,
A grêd en ho fabriqerez.

Ar bemp, hervez m'on eus er guelet,
E commanchot en em ganna;
En dec deiz arme'r russianet,
Rest ini'r Pruss er memes tra,
O deus collet tri-uguent-mil den,
Blesset, maro pe prisoniet,
Hac ho bagachou var eul lignen.
A zaou-uguent leo a hirdet.

Hon impalaër d'e soudardet
Goude lavaras evellen :

» Ho victoriou so, va mignonet,
» Qer prompt evel eul luc'heden,
» En Austerlitz oc'h eus celebret

- „ Devez va c'hufunidiguez ;
 „ E Friedlan oc'h eus memoret
 „ Eus a Varingo an devez.
 „ Dign e zoc'h da veza francisien,
 „ Ha dign e zoc'h ac'hanon-me ;
 „ En ho pro e c'hantrefet souden,
 „ Gant ho palmes hac ho lore.
 „ Poent eo dezi gemeret repos ;
 „ Dre beoc'h profitapl ha padus ;
 „ Tranqil var droucniachou ar sauz ;
 „ Dre ho courach digomprensus. ”

Ar bemp-varnuguent e voa savet
 Var rivier- vras an Niemen,
 Eur pavillon d'an impalaëred
 Var eur radel grêt gant plenqen :
 Eno, pepini eus e goste,
 O daou e zint en em rentet,
 Da un heur sonet goude creis-de ;
 E presang ho zrouplou renqet.

An diou vag partiet assambles
 Gant pepini eun impalër.
 O deus deposet ho majestez
 Er radel er memes amzer.
 Goude ma voant en em vriated,
 Alexand ha Napoléon,
 Ractal virant e zint antreet
 O daou hepqen er pavillon.
 Div heur eo bet an antretien
 Etre'n daou impalaër-bras,
 Goude pini voe roed antren
 D'ar re o heuille var ar plac.

D
 C
 D
 E
 Impal'ër Russ d'or generalet
 Treo agreabl a lavaras ;
 Napoléon n'en eus qet manqet
 Var gont e re d'en trec'hi c'hoas.
 Goude-se an impalaëret
 A so pignet en ho barqou ,
 E presañ eur bobl immanç renqet
 Daou goste'n dour var e vordou ,
 En ho c'halonou an ac'hetañ
 O divije'n daou den vaillant
 En div heur-se eus a gonferañ ,
 Roed ar peoc'h d'ar c'hontinant.
 Ho esperañ ne voe qet tromplet ,
 Rac an nao eus a vis guere ,
 Goude caëra campagn eus ar bed ,
 Voe grêd ar peoc'h deziret-se.
 Broyou'r c'hontinant so e repos
 An eil-e qever eguile ,
 A complodet a henep ar sauz ,
 Qe na vo sujedet gante.
 Discuisomb brema gant hon arme ;
 Da c'hortos issu ar peoc'h-mâ ;
 Ganti e commançomb adare ,
 Mar be forçet d'en em ganna.
 En em fiomb e Napoléon ,
 Evit digas var vad ar rest ;
 An deziriou demeus e galon ;
 Don renta evrus a so goest.

Fin.

 E MONTRouLÈS, e ty LEDAN, e rô ar Var.
